

Gvangjsih Minzczu Bau

Cawjguenj: Gvangsijh Bouxcuengh Swcigih Minzczu Cunghgyau Swvu Veijyenzvei

Cawjbanh: Gvangsijh Minzczu Bause

Geiz neix 8 banj

广西民族报

Aenhauh okbanj: CN45-0036

B.2024

Nd.7 Ng.10

Liggaeuq gyapsaenz nienz ndwenloeg co'ngux

Geizsoq: Gungh daih 3630 geiz

Aen Hoih Yaenglwnh Geiqniemh Fap Gizdieg Minzczu Gagguenj Fatbouh Hengzguh 40 Hopbi Youq Baekging Banh

Aen Hoih Yaenglwnh Geiqniemh 《Fap Gizdieg Minzczu Gagguenj Cunghvaz Yinzminz Gunghozgoz》 Fatbouh Hengzguh 40 Hopbi 4 hauh youq Baekging Yinzminz Daveidangz banh. Cunghung Cunghyangh Cwngcigiz cangzveij, Daengx Guek Yinzda Cangzveijvei veijyenzcangj Cau Lozci camgya.

Cunghung Cunghyangh Cwngcigiz veijyenz, Daengx Guek Yinzda Cangzveijvei fuveijyenzcangj Lij Hungzcungh youq aen hoih gangjavah. De daegbied gangj daengz, aeu dingjmaenh aen swhsiengj sevei cuji miz daegsaek Cungguek seizdaih moq Siz Ginbingz guh dazyinx, haeujlaeg hagsib gvancez gij swhsiengj youqgaenj mizgven gyagiengz caeuq gajndeih hong minzczu Siz Ginbingz cungsuhgi, cienzmienh gvancez gij cingsaenz Aen Hoih Hong Minzczu

Cunghyangh, aeu couqmaenh gij eiqsik caezcaemh Cunghvaz Minzczu guh sienqmeh, dingjmaenh mbouj bienq byaij diuzroen deng miz Cungguek daegsaek bae gajgez aen minzczu vwndiz, dingjmaenh caeuq laebcaez aen cidu gizdieg minzczu gagguenj, caeuq seizdaih caemhyamq guh ndei hong hengzguh fap gizdieg minzczu gagguenj, coenghregz maenhddwd coicaenh gak minzczu caezcaemh doxgiet buekguh, caezcaemh mwnhoengh hwnghat, yungh yiengh yendaiva Cungguek cienzmienh doicaenh hwnghat aen guek ak, minzczu fukhwng.

Lij Hungzcungh ceijok, Cibbet Daih Dangj doxdaeuq, Dangjcunghyangh aeu Siz Ginbingz dungzci guh goek de yinxlingx gij saehnieb minzczu doxgiet baenaj guek raeuz aeundaej cingzci doenghbaez caengz miz gvaq. Gij swhsiengj mizgven

gyagiengz caeuq gajndeih hong minzczu Siz Ginbingz cungsuhgi, haibik aen dieg moq yiengh minzczu lijlun Majgwzsw cuji miz Cungguek daegsaek gaen ndaej hwnj seizdaih, ceij cingcuq diuzroen baenaj doidoengh hong minzczu dangj seizdaih moq hwnghat ndei saed. Raeuz aeu nyinhcaen hag rox gij neihanz laegdaeuq, dwzcwngh seizdaih, saedguh iugouz couqmaenh gij eiqsik caezcaemh Cunghvaz Minzczu, itloh yaengxsang fangeiz Cunghvaz Minzczu doxgiet hoengh, hwnghat daengx aen goewngz minzczu, coihawj gak minzczu gvangqlangh dox baedauq doxyau doxyungz.

Lij Hungzcungh daegbied gangj daengz, aeu cinjdeng gaemdawz gwnz roen moq aen iugouz moq dingjmaenh caeuq laebcaez aen cidu gizdieg minzczu gagguenj, doidoengh fap gizdieg minzczu gagguenj saed-

hengz aeundaej cingzci moq. Aeu dingjmaenh dangj cienzmienh lingidauj daegbied dwg Dangjcunghyangh gyonjcomz doengjit lingidauj, gien-giet henhoh guekgya doengjit, minzczu doxgiet, doidoengh gizdieg minzczu ginghci sevei hwnghat ndei saed, haenqregz cauhlaeb aen gyananz cingsaenz caezcaemh Cunghvaz Minzczu, ciuq fap guenleix hongsaeh minzczu, doxgiet dungyenz daengx guek gak cuz bouxminz caezcaemh roengzregz buekguh bae saedyienh Cunghvaz Minzczu fukhwng hungmbwk.

Fap gizdieg minzczu gagguenj youq 1984 nienz 5 nyied gingvav Roek Gaiq Daengx Guek Yinzda Baez Hoih Daihngieh doengvav, caemhbi 10 nyied 1 hauh hainduj hengzguh.

(daj 《Sinhvazse》 aeu daeuj genj hoiz)

Nanzdanh Yen Banh Gwih Danci Doxdax

7 nyied 6 hauh, Nanzdanh Yen banh gwih danci doxdax, yinx ndaej 283 boux vunzak gwih danci daengx guek gak dieg daeuj camgya doxdax.

Doxdax ngoenzhaenx, gyoengq boux gwih danci doxdax daj Nanzdanh yienhsingz haidin, riengz diuzroen doxdax roengzsim dajveh haenx, doxdax gwih hwnj dingj Yinzgvanhdenh Gingjih haijbaz 1118 mij bae, yienhciegz doxdax haenqrem, ndaej gyoengq vunz daeuj yawjgonz dopfwngz haenndei. Ndaw doz dwg doxdax yienhciegz.

(Linz Genyungz Lij Yangz)



2024 Nienz Sawcuengh Vahcuengh Suijbingz Gaujsi Yaek Youq 7 Nyied 27 Hauh Gauj

Bonjbauq siusik (gicej Cau Dwzfeih) Mboengqneix, gicej cam Swcigih Minzczuenghveij roxyiuj, 2024 nienz Sawcuengh Vahcuengh suijsingz gaujsi 7 nyied 27 hauh youq Gvangjsih Minzczu Dayoz gauj.

Ciuq cam rox, baez gaujsi neix boux lawz bae gauj cungj ndaej, mboujlwnh sai mbwk, minzczu, bindwen, haglig, guh maz hong, dieg lawz, guek lawz daengj, ciuq bouxvunz

aeuyungh bae gauj, gag senj bae gauj aen daengjgaep lawz. Baez gaujsi neix cujyau dwg gauj boux bae gaujsi yungh Sawcuengh Vahcuengh ndaej baenzlawz yiengh, baugvat gij giekdaj Sawcuengh Vahcuengh, gyoeb swz cauh gawq, yawjdoeg roxyiuj, fanhoiz(Cuengh hoiz Gun, Gun hoiz Cuengh) caeuq raiz faenzcieng daengj. Gaujsi faen cogaep, cunggaep, gaugaep 3 aen daengjgaep, gak

daengjgaep cungj dwg bizsi. Gaujsi yungh doengjit daihgang, doengjit okdae, doengjit habgek biucinj, doengjit saenqsik guenleix caeuq doengjit mbawcingq daengjgaep. Gaujsi mbawgienj muenxfaen 100 faen, gaujsi cingzci 60 faen dwg diuz sienq habgek biucinj, gak daengjgaep faen daengjgaep, daengjgeih song aen daengjgaep, 80 faen(hamz) doxhwnj dwg daengjgaep, 60-79 faen

dwg daengjgeih.

Baez gaujsi neix doengjit youq gwnz muengx bauqmingz, boux naemj bae gauj youq 2024 nienz 7 nyied 4 hauh daengz 15 hauh daeng hwnjbae Swcigih Minzczuenghveij Vangj (<http://mzw.gxzf.gov.cn/>), diemj “hidungj vangjloz bauqmingz Sawcuengh Vahcuengh suijsingz gaujsi” lanzmoege, ciuq daezsingj bae bauqmingz ndaej.